


# NONZIRA MBALI



## EHOROWORO LYO NZIRA

Nsene tuna kara morugendo tuna vyuka kevega eli twapira kumona rumwe, twa hepa kugenda monzira ozo ose tuna pahuka, nsene tudimburura asi ose kuna kugenda nzira zepuko, twa hepa kutengura tuyakwame nzira zouhunga. Nkenye ezuva ose kukara morugendo mouzuni ou mokutamba komwenyogwanarunye, kositambo esi ngasipira kuhaga, ntani esi ngava pira kusinta apa nga tukasiko. Wadiva asi kupiko oku ono kuza ndi?

## BUKE ZETU EZI AZI TUSINDANGEDA

Hompas Karunga, me harolyendi no moufenkenda wendi, kwa tupa buke zokutusindangeda, Bibeli, ezi azi tulikida ose nzira zousili zokututwara meguru. Sitwa, paratangwa esi kwa sigusa mo buke ezi tuna kuuyunga ngesi. Nkango yizo ramba ezi azi gendesange ntani izo uzera wonzira zange. (Psalm 119:105).

## NZIRA ZONENE

Vantu vanzi ava zigendi. Evero lyo kuza momundiro gwanarunye enene ntani nzira ezi ava gendi nderu, ano vanzi ava zigendi. (Matt 7:13). Navenye ava zigendi vafereramenho gawo. Kwato eyi vadiva ntani kapi

ava kara nosinka, asi awo kugenda ezi azi twarakezonauko. Nzira ezi ogazara asi yizo zouhunga, azo kutwaredera konomfa (Yisewe 14:12) maganogawo kwaga tura momundema muzonaguli (satana) gouzuni ou.

## **NOMUDIGO**

Vantu ava ava gendi nzira ezi, kusimba mudigo go nonzo. Nkenye gumwe kwazona yiyo vakara ure nezoworo lya Karunga. (Varoma 3:23) Nokuvhurasi kuhoreka nampili nzo zimwe kosipara sa Karunga. Muntu kutara kemoneko lyomuntu nye Karunga age kumona nayinye, monda zomutjima gomuntu. (1 Samwere 16:7). Nomudigo kwa divamangerera kono mugongo dawo. Nove name nokuvhurasi ku di turako nampili kanzo kamwe nono nkondo danyamwetu. Nomudigo kuligwederera kudigopa mokuza kosiruwo ano mfuto zonzo nomfa (Varoma 6:23).

## **UZERA/ SITE SOUZERA**

Site souzera sakumoneka pefano kwakererepo epanguro lya Karunga. Nkenye gumwe afe posiruwo simwe tupu, ano konyima zoyo takukwama epanguro lya Karunga. (Vahebeli 9:27). Ano kwamwene uzera wounene wouHomba wo mbara zaKarunga, nogu ana hingire kosipundi souHomba. Ano to mono vafe vakurona novanona melifano lyawo kwakere limwe tupu. Awo vana sikama komeho zosipundi souHomba. No buke makura tavadi kudumuna nye ano zimwe hena nazo tava zikudumuna, buke ezi yizo buke zomwenyo. Vafe tavavapangura nga moomu varugana, moomu vayitjanga mono buke odo. Nkenye ogu vapira kutjanga mo Edina lyendi mobuke zomwenyo, kwavazuguminine mekeru lyomundiro gwanarunye. (Ehororo 20:11,12,15).

## **MUNDIRO GWANARUNYE**

Korwa Karunga mupongoki no muhungami nousili, ngapa kara mpanguro zo nonzo. Nonkango da Karunga kwaku tanta asi, "pwakara muniro gwanarunye, avega lyo mpanguro zanarunye kwava ava pilikulimburukwa kwa Homba Karunga. Bibeli kwatanta asi, ngava hagera momuniro gwanarunye, morwa Karunga gwawo edowo lyo marutu gawo, ano awo kugazara tupu koyininke youzuni ou (Vafilipi 3:19). Nye Karunga hena Karunga gonkenda, kapi gahara asi ngapa zonaukepo nampili gumwe, nye kwahara asi navenye valitezurure vatunde kononzo (2 Peturusa 3:9) meharo, nomo nkenda zendi zonene, gaturapo nzira/mpito zokuhenduka kwanavenye owo vana hara sili. Ono hara kugwana nzira no mwenyo?

## **NZIRA ZEPARU – NZIRA ZEZOWORO**

Norwa kapi tatuvhuru kulizowora nyose vene kononzo detu ndi kepan-guro lyononzo detu, Karunga gatupa muzowoli Karunga kwa here uzuni unene-nene, yipo gaupere munwendi ahuru, asi nkenye ogu ana kupura mwendi aparuke gahafa agwane mwenyo gwanarunye. (Johanesa 3:16). Karunga Tate gemeguru kwa tuma munwendi ahuru, Homba gwetu Jesusa Kristusa kutunda meguru awize pontunda zevhu, kwayaparukire ngomuntu ntunye kapi gazonene nampili rumwe. Ngarugana uwa, nga verura vaveli, nga kuhura vanayingondwe, no kutjidamo nompepo donon-dona mo vantu, kugusirapo vantu mausima gawo ntani nokuvaronga kuhamena Karunga. Ngomuntuntu tupu kwatufira asi nzambo zetu natu-

vanye. Mokuligava mwene mouKarunga wendi, mwenyo gwendi gokupira nzo ntani noHonde zendi ezi zatjika mokufuta unzoni wetu wononzo. Age kwaligeve vamu sepure dogoro vamugeragure nonongora yironda eyi yapitire honde momugongo gwendi, tavamudingire nkata zomega, Komutwe gwendi, ntani vamupamparere mawoko nonompadi dendi kosilivindakano. Age kwa zenzerere nokukora nokuhepa. Jesusa Kristusa kwa simbire nonzo detu morutu rwendi kosilivindakano (1 Peturusa 2:24) age kwafira ove name.

## **EVHUMBUKO LYAJESUSA**

Konyima zomazuva gatatu montoko, Kristusa kwa vhumbukire monomfa. Ngagendi no kuuyunga kumwe novarongwa vendi, konyima zomazuva nomurongone yipo gazire meguru gakahingira korulyo rwa Karunga guhye (Varoma 8:34) muzowoli yimo nounankondo wendi meguru nepevhu (Matheusa 28:18) age kuvhura, ngesi ntani narunye, kuzowora nokupopera ava ava wiza kwa Karunga mokupitira mwendi, morwa age ngaparuka narunye ngakara mondika kumwe naKarunga mokuva kokera kwendi (Vahebeli 7:25).

## **EGURU**

Eguru evega eli gakara Karunga nountungi wendi naunye. Hompa Jesusa kwatente asi, ame tanizi nikawapayike mauturo geni, apa ngani kamana kumuwapayikira evega, ngani katengura nganiya musimburure, ngomuka kare oku na kara ame (Johanesa 14:2,3) alyo evega lyewa. Kapi ngakukara hena nomfa, masivano, malirankali ndi kukora. Yininke yoyikurukuru yahagapo, kapingakukara hena masiku morwa Karunga yige ngakara uzera wawo (Ehororo 21:4, 22:5) evega lyokupongoka. Kwato sanyata ngasi vhura kuhwiliramo mombara, kwato ogu garugana yonomuga ndi gokuuyunga yipempa ngahwiliramo. Ntudi wowo madina gawo vatjanga mobuke zomwenyo zonzwigona yiwo ngava hwiliramo mombara zaHompa (Ehororo 21:27) nzira zimwe tupu za karapo zokutwara meguru. Nyame nzira, usili, nomwenyo kwato ogu (Johanesa 14:6) ezoworo kuligwana tupu mokupitira mwendi mwelike, mouzuni ou mwato nampili gumwe ogu gagava gokuvhura kutuzowora. (Yirugana 4:12).

## **NGAPI OMU NATUTAMEKA NZIRA ZOKUZAMEGURU**

1. Litezurura kononzo doge opure mbudi zogwa (Marukusa 1:15).
2. Wiza kwa Jesusa Kristusa, moma kanderero kumwe nomudigo goge gononzo. Pura egusiropo. Age tataanta asi narumwesi kapi ngani tungwira mugongo kogu ana kuwiza kwange. (Johanesa 6:37). Wizeni kwange one warorora udigu, niyamupwizumukise (Matheusa 11:28).
3. Pura mwa Kristusa ngogwane edongweneno lyononzo honde za Jesusa munwaKarunga kwatu kuhwa kwankenye nzo zetu. (1 Johanesa 1:7).
4. Age takupe mwenyo gomupe mwenyo gwanarunye Jesusa tatanta asi, "Nkenye ogu azuvhu nonkango dange nye apure ogugatumange ngagwana mwenyo gwanarunye. Kapi ngavamupangura, morwa gapita nare nonomfa kuza momwenyo gwanarunye". (Johanesa 5:24). Nsene nkenye gumwe alikwatakana na Kristusa, age takara mupe mwa Kristusa, yoyikuru-kuru yapita, upe una wizanye (2 Vakolinte 5:17).

5. Ngogwana mbili momutjima goge. “Makura vanatutura mousili kumwe naKarunga, mepuro, tunakara mbili kumwe naKarunga mokupitira mwa Jesusa Kristusa.” (Varoma 5:1) Umbangi wou: Karunga kwatupa mwenyo gwanarunye, mwenyo ogu kwakara runone mwa Kristusa. Nkenye ogu gakara na Jesusa momutjima gwendi gakara norunone oru. Nkenye ogu gapira kukara na Jesusa momwenyo gwendi kapi gakara norunone romwenyo. Ame kwakumutjangeri yipo mudive asi mwakara nomwenyo gwanarunye. (Johanesa 5:11-13).

## **NGAPI NOKARA MEPARU LYOMWENYO GOMUPE**

1. Resa Bibeli nkenye ezuva. Mokukara uzera wonzira zetu, yido nondya detu domwenyogwetu. Mokukara ngwendi mukeke ogu vana hampuruka naina. Narunye kukara nenota lyomasini gomatovara gopampepo. Yipo asi pokuganwa to kuru nawa (1 Peturusa 2:2) pura Karunga akugendese no kukuronga mokupitira mompepo zokupongoka nsene toresa Bibeli.

2. Wiza pepi naKarunga momakanderero nkenye ezuva, kanderera medina lya Jesusa, wahalipakera sinka kwankenye eyi, nye momakanderero goge nagenye hundira Karunga nkenye eyi ono hara, narunye hundira nomutjima gompandu. Mbili zaKarunga ezi zapitakana ure nelizuvho lyo muntu ngazitura mutjima goge nomagano goge mepopero nomoukumwe kumwe na Kristusa Jesusa. (Vafilipi 4:6,7).

3. Uyunga navamwe yokuhamena Kristusa uyungisa vepata lyoge nokuvatantera yininke gakuruganena Karunga ntani yinke yoyinene gakuruganena meparu lyoge (Marukusa 5:19).

4. Momaheteko zigida Karunga. Age kuvhura kuvatera ava vakaramoma heteko, morwa Jesusa nage kwakere momaheteko nokuhepa. (Vahebeli 2:18).

5. Nsene ono tura nzohena, tongonona usimbu kwa Karunga usimbu. Nsene tatu tongonona nonzo detu kwa Karunga, age nga sikisamo etumbwidiro lyendi ntani nokukuruganena uwa: age nga gusapo nonzo detu nokudongonona nayinye eyi twarugana udona ndi twalipuka. (1 Johanesa 1:9).

6. Kambadara mokugwanekera kumwe novapuli mwa Kristusa. Sipango sange sesi asi: omulihara-hare ngamomu namuhara ame (Johanesa 15:12).

7. Narunye kulimburukwa kwaKarunga: nkenye erongo lyange ndi yipango yange ngosikisemo erongo lyange ndi yipango yange (Johanesa 14:23).

8. Waha kara nowoma, Kristusa kumwenoge anakara, kapi ngani musiga kapi ngani mutarerera. (Vahebeli 13:5).

9. Ligavanyamoge nawa-nawa kwa Hompe Jesusa Kristusa, age akupitisiro meparu lyoge mokukwama ehari lyendi. Mompito zangesi ngo gwana ruhafo rousili.

---

For **free** Gospel literature, books and tracts in over 490 languages, write to:

**E-MAIL: [info@angp.co.za](mailto:info@angp.co.za)**

**ALL NATIONS GOSPEL PUBLISHERS**

**P.O. Box 2191, PRETORIA, 0001, R.S.A.**

(A Gospel Literature Mission financed by donations)

(Reg. No. 1961/001798/08)